



Broj: 02/1-50-8-54/22

Sarajevo, 7. 3. 2022.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. 2021. DO 31. 12. 2021.

Sarajevo, januar 2022.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BiH
ZA PERIOD OD 1. 1. 2021. DO 31. 12. 2021.

S A D R Ź A J

1. Opće naznake	3
2. Poglavlje I. Aktivnosti Ustavnopravne komisije	4
Odjeljak A. Statistički podaci o sjednicama	4
Odjeljak B. Zakonodavne i druge aktivnosti	5
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	5
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom i principi - faza I)	6
iii. Razmatranje prijedloga zakona po čl. 108 - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji – faza II)	6
iv. Razmatranje prijedloga zakona po članu 108. stav (2) Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)	6
v. Razmatranje pitanja ocjene ustavnosti	7
vi. Razmatranje izvještaja, informacija i delegatskih inicijativa	7
vii. Zaključci Ustavnopravne komisije	9
3. Poglavlje II. Aktivnosti Ureda sekretara Ustavnopravne komisije	10
4. Poglavlje III. Ostale aktivnosti	11
Odjeljak A. Aktivnosti u vezi sa ostalim aktima i odnosima s drugim institucijama	11
Odjeljak B. Međunarodna saradnja	11
5. Poglavlje IV. Zaključna razmatranja	11
PRILOG	13

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

I Z V J E Š T A J
O RADU USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. 2021. DO 31. 12. 2021.

OPĆE NAZNAKE

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH;

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 20. 12. 2019. (za mandatni period 2018 - 2022) kada su članovi Ustavnopravne komisije jednoglasno izabrali:

- Barišu Čolaka, za predsjedavajućeg Ustavnopravne komisije,
- Sredoja Novića, za prvog zamjenika predsjedavajućeg Ustavnopravne komisije,
- Asima Sarajlića, za drugog zamjenika predsjedavajućeg Ustavnopravne komisije.

Ostali članovi Ustavnopravne komisije su:

- Lidija Bradara,
- Amir Fazlić i
- Lazar Prodanović.

Sekretar Ustavnopravne komisije je Zijad Hasić, a stručna saradnica Ivana Šeremet.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH);
2. međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini i drugi međunarodni akti;
3. Poslovnik Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16);
4. propisi Bosne i Hercegovine iz krivičnogpravnog, građanskopravnog i upravnog oblasti, propisi iz oblasti uređenja rada pravosudnih institucija, organa uprave, upravnih organizacija, te oblasti ravnopravnosti spolova, izbora, izvršenja krivičnih sankcija i sl;
5. Jedinstvena pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21).

POGLAVLJE I. AKTIVNOSTI USTAVNOPRAVNE KOMISIJE

Odjeljak A. Statistički podaci o sjednicama

S ciljem obavljanja svojih aktivnosti, Ustavnopravna komisija je u izvještajnom periodu održala deset sjednica, a razmatrala 45 tačaka dnevnog reda (u prosjeku pet tačaka dnevnog reda po sjednici). Održavajući ove sjednice, aktivnost je usmjerila na brojne oblasti iz svoje nadležnosti, zasnovane na Planu rada za 2021. godinu.

Sjednica	Datum održavanja	Tačaka dnevnog reda	Trajanje sjednice u minutama
14.	11. 1. 2021.	6	45 minuta
15.	26. 1. 2021.	3	60 minuta
16.	4. 2. 2021.	3	45 minuta

17.	2. 3. 2021.	4	55 minuta
18.	10. 3. 2021.	3	40 minuta
19.	23. 4. 2021.	10	100 minuta
20.	11. 5. 2021.	5	60 minuta
21.	26. 5. 2021.	4	60 minuta
22.	9. 6. 2021.	2	20 minuta
23.	19. 7. 2021.	5	60 minuta
UKUPNO	Održanih sjednica: 10	Razmatranih tačkaka dnevnog reda: 45	Prosječno trajanje sjednica: 60 minuta

Osim zakonodavnih aktivnosti, Ustavnopravna komisija imala je i kontrolnu funkciju. Potrebno je istaći razmatranje informacija, izvještaja, delegatskih inicijativa i drugih akata drugih državnih organa i tijela iz nadležnosti Ustavnopravne komisije.

Najveći obim aktivnosti ostvaren je prilikom priprema i održavanja sjednica, te analizom i usvajanjem prijedloga zakona.

Prosjek prisustva članova sjednicama Ustavnopravne komisije je **90%**.

Prosječno trajanje sjednica Ustavnopravne komisije je **60 minuta**.

Odjeljak B. Zakonodavne i druge aktivnosti

Ustavnopravna komisija je u 2021. godini razmatrala određen broj prijedloga zakona, te za njih, nakon provedene procedure, izrađivala mišljenja, izvještaje i obavještenja, i to:

a) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)

1. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH;
2. Prijedlog zakona o izmjeni i dopuni Zakona o strancima, predlagač: Predstavnički dom Parlamentarne skupštine BiH;
3. Prijedlog zakona o izmjenama i dopunama Zakona o javnim nabavkama, predlagač: Vijeće ministara BiH.

b) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi – faza I. U nadležnoj komisiji)

1. Prijedlog izmjena i dopuna Jedinostvenih pravila za izradu pravnih propisa u institucijama Bosne i Hercegovine, predlagač: Predstavnički dom Parlamentarne skupštine BiH;
2. Prijedlog zakona o dopunama Zakona o parničnom postupku pred Sudom Bosne i Hercegovine, predlagač: Vijeće ministara BiH;
3. Prijedlog zakona o izmjenama i dopunama Izbornog zakona Bosne i Hercegovine, predlagač: Predstavnički dom Parlamentarne skupštine BiH;
4. Prijedlog zakona o dopuni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH;
5. Prijedlog zakona o sprečavanju sukoba interesa u institucijama Bosne i Hercegovine, predlagač: Predstavnički dom Parlamentarne skupštine BiH;
6. Prijedlog zakona o zaštiti prava na suđenje u razumnom roku pred Sudom Bosne i Hercegovine, predlagač: Vijeće ministara BiH.

c) Razmatranje prijedloga zakona po čl. 108 – 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)

1. Prijedlog izmjena i dopuna Jedinostvenih pravila za izradu pravnih propisa u institucijama Bosne i Hercegovine, predlagač: Predstavnički dom Parlamentarne skupštine BiH;
2. Prijedlog zakona o privremenim mjerama u radu pravosudnih i drugih organa Bosne i Hercegovine za vrijeme stanja prirodne ili druge nesreće na teritoriji Bosne i Hercegovine, predlagač: Vijeće ministara BiH;
3. Prijedlog zakona o dopunama Zakona o parničnom postupku pred Sudom Bosne i Hercegovine, predlagač: Vijeće ministara BiH;
4. Prijedlog zakona o zaštiti prava na suđenje u razumnom roku pred Sudom Bosne i Hercegovine, predlagač: Vijeće ministara BiH.

d) Razmatranje prijedloga zakona po članu 108. stav (2) Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)

1. Prijedlog zakona o sprečavanju sukoba interesa u institucijama Bosne i Hercegovine, predlagač: Predstavnički dom Parlamentarne skupštine BiH.

e) Razmatranje pitanja ocjene ustavnosti (član 39. stav (1) tačka g) Poslovnika Doma naroda Parlamentarne skupštine Bosne i Hercegovine - dostavljanje mišljenja Ustavnom sudu BiH). Ova aktivnost ocjene ustavnosti pred Ustavnim sudom BiH odnosi se na zahtjeve u skladu s članom 39. stav (1) tačka g)

1. Zahtjev Ustavnog suda BiH za davanje mišljenja o Zahtjevu za ocjenu ustavnosti Zakona o Sudu Bosne i Hercegovine – prečišćeni tekst („Službeni glasnik BiH“, br. 49/09, 74/09 i 97/09) i to odredbe člana 9. stav (1), člana 10. stav (4) i člana 11. stav (1) tačka b), podnositeljica: Borjana Krišto, predsjedavajuća Predstavničkog doma Parlamentarne skupštine BiH, broj: 02-01-2-2417/20 od 24. 12. 2020;
2. Zahtjev Ustavnog suda BiH za davanje mišljenja o Zahtjevu za ocjenu ustavnosti/usklađenosti stavova 2, 3. i 4. člana 8. u cijelosti, dijelova odredbe stava 5. člana 8, dijelova odredbe stava 6. člana 8. i člana 8a. u cijelosti, te dijela odredbe stava 3. tačke d) člana 32. Zakona o prebivalištu i boravištu državljana Bosne i Hercegovine („Službeni glasnik BiH“, br. 32/01, 56/08 i 58/15) sa Ustavom Bosne i Hercegovine, podnosilac: Željko Komšić, član Predsjedništva BiH, broj: 02-01-2-296/21 od 2. 2. 2021.

f) Razmatranje izvještaja, informacija i delegatskih inicijativa

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenja o sljedećim izvještajima i delegatskim inicijativama:

1. Izvještaj o radu Ustavnopravne komisije Doma naroda Parlamentarne skupštine Bosne i Hercegovine za period od 1. 1. 2020. do 31. 12. 2020, podnosilac: Ured sekretara Komisije;
2. Izvještaj o radu Vijeća ministara BiH za 2020. godinu, broj: 01,02-50-18-1218/21 od 14. 6. 2021, podnosilac: Vijeće ministara BiH;
3. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom se zadužuje Vijeće ministara BiH da najkasnije u roku od 45 dana od dana usvajanja ove inicijative u Domu naroda Parlamentarne skupštine BiH pripremi i u parlamentarnu proceduru dostavi cjelovitu analizu o uspostavljenim paralelnim vezama Republike Srbije i bosanskohercegovačkog entiteta RS, s posebnim osvrtom na poštivanje nezavisnosti, suvereniteta i teritorijalnog integriteta države Bosne i Hercegovine“, broj: 02-50-6-2040/20 od 15. 10. 2020;
4. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom Dom naroda Parlamentarne skupštine BiH zadužuje Vijeće ministara BiH da u roku od šest mjeseci od dana usvajanja ove inicijative pripremi i u parlamentarnu proceduru uputi Strategiju prevencije genocida u Bosni i Hercegovini“, broj: 02-50-6-2227/20 od 18. 11. 2020;
5. Inicijativa Zlatka Miletića, delegata u Domu naroda, koja glasi: „Sagledavajući ukupno stanje u BiH i zalaganje svih zdravstvenih radnika u sprečavanju posljedica izazvanih pandemijom COVID-19, posebno sa aspekta uslova pod kojim rade osobe zaposlene u

zdravstvu, a imajući u vidu moguće posljedice generalnog štrajka (zakonit štrajk od 22. 12. 2020) zdravstvenih radnika na području Hercegovačko-neretvanskog kantona po njegovo stanovništvo, uzrokovanih nemarom i nebrigom Vlade HNK i resornog Ministarstva zdravstva, rada i socijalne zaštite, nepotpisivanjem već godinu i po kolektivnog ugovora sa Sindikatom zdravstvenih radnika HNK, zahtijevam da se pod hitno izjednači status zdravstvenih radnika u HNK sa statusom istih radnika u drugim kantonima u Federaciji, prevashodno Kantonu Sarajevo, te na taj način stvore normalni uslovi za rad zdravstvenih radnika, ali i kvalitetna zdravstvena zaštita stanovništva.

Također, zahtijevam od Vlade HNK, ako neće, ne želi ili ne može da potpiše navedeni kolektivni ugovor iz bilo kojih razloga, da me obavijesti o razlozima s obzirom da je riječ o očiglednoj diskriminaciji zdravstvenih radnika u HNK, kako bih mogao, u skladu sa svojim ovlaštenjima, preduzeti druge mjere radi njihove zaštite putem nadležnih institucija.

Ovu priliku želim da iskoristim da javno čestitam svim zdravstvenim radnicima u čitavoj Bosni i Hercegovini na nesebičnom zalaganju i nadljudskim naporima koje ulažu da pomognu bosanskohercegovačkom stanovništvu u borbi protiv pandemije COVID-19“, broj: 02-50-6-345/21 od 8. 2. 2021;

6. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom se zadužuje Vijeće ministara BiH da, najkasnije u roku od šest mjeseci od dana usvajanja ove inicijative, pripremi i u parlamentarnu proceduru dostavi prijedlog zakona o vrhovnom sudu Bosne i Hercegovine“, broj: 02-50-6-467/21 od 22. 2. 2021;
7. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom Dom naroda Parlamentarne skupštine BiH traži od Zajedničkog kolegija oba doma Parlamentarne skupštine BiH da, najkasnije u roku od 20 dana od dana usvajanja ove inicijative, pokrene sve neophodne radnje s ciljem osnivanja Interresorne radne grupe za pripremu prijedloga izmjena i dopuna Izbornog zakona Bosne i Hercegovine, u skladu sa Ustavom BiH i presudama Evropskog suda za ljudska prava i Ustavnog suda BiH“, broj: 02-50-6-547/21 od 3. 3. 2021;
8. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom Dom naroda Parlamentarne skupštine BiH poziva sve općine i gradove u državi Bosni i Hercegovini da, u interesu izgradnje mira, tolerancije, povjerenja, međusobnog poštivanja i afirmacije antifašističkih vrijednosti na kojima počiva savremena Evropa, zabrane bilo koji direktni ili indirektni izraz glorificiranja ili afirmiranja dvojice najzloglasnijih ratnih zločinaca i kvislinga na području bivše Jugoslavije – vođe ustaškog pokreta Ante Pavelića i vođe četničkog pokreta Dragoljuba Draže Mihailovića, kao i svih drugih pripadnika nacifašističkih pokreta, organizacija, vojnih formacija i udruženja, bez obzira na to koje su nacije ili vjere bili, a koji su u Drugom svjetskom ratu, za vrijeme odsudne borbe protiv nacifašizma kao najvećeg zla u ljudskoj historiji, ratovali, ali i širili negativnu propagandu protiv Antifašističke koalicije“, broj: 02-50-6-557/21 od 4. 3. 2021;
9. Inicijativa za uređivanje prevencije uznemiravanja na osnovu spola i seksualnog uznemiravanja na nivou Parlamentarne skupštine BiH, predlagač inicijative: Ministarstvo za ljudska prava i izbjeglice BiH, broj: 01/6, 02/1,03-37-1-720/21 od 29. 3. 2021;

10. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom se zadužuje Vijeće ministara BiH da, najkasnije u roku od šest mjeseci od dana usvajanja ove inicijative u Domu naroda Parlamentarne skupštine BiH, sačini i u parlamentarnu proceduru dostavi Zakon o kinematografiji Bosne i Hercegovine“, broj: 02-50-6-894/21 od 26. 4. 2021;
11. Inicijativa za održavanje zajedničke tematske sjednice, predlagač inicijative: Ministarstvo za ljudska prava i izbjeglice BiH;
12. Inicijativa Zlatka Miletića, delegata u Domu naroda, koja glasi: „Imajući u vidu nadležnost Interresorne radne grupe za izmjenu izbornog zakonodavstva u Bosni i Hercegovini, u skladu s Poslovnikom Doma naroda PSBiH, *iniciram* da Interresorna radna grupa razmotri dopunu i izmjenu Izbornog zakona Bosne i Hercegovine, i to tako da se dopuni i izmijeni:
 - član 1.4. (1) *Svaki državljanin Bosne i Hercegovine s navršениh 18 godina života ima pravo i obavezu da glasa i da bude biran, u skladu s odredbama ovog zakona.*
 - član 1.4. (3) *Ako birač ne glasa na izborima, bit će sankcioniran tako da mu je uskraćeno pravo na izdavanje dokumenata na najmanje tri mjeseca koja se odnose na građanska stanja (putna isprava, lični dokumenti, saobraćajna dozvola, registracija vozila).*
 - član 1.4. (4) *Izuzetno, birač neće biti sankcioniran ako može opravdati svoj neizlazak na izbore (invalidnost, bolest, slučajno putovanje i sl.) u postupku pred nadležnim organom koji izdaje traženi dokument.*
 - član 1.4. (5) *Procedura kojima se definira postupanje iz ove oblasti, uključujući nadležnost pojedinih organa, donijet će Centralna izborna komisija Bosne i Hercegovine posebnim pravilnikom“, broj: 01,02-50-6-1114/21 od 31. 5. 2021;*
13. Inicijativa Denisa Bećirovića, delegata u Domu naroda, koja glasi: „Podnosim delegatsku inicijativu kojom se zadužuje Vijeće ministara Bosne i Hercegovine da, u saradnji s entitetskim i drugim vladama, najkasnije u roku od šest mjeseci od dana usvajanja ove inicijative u Domu naroda Parlamentarne skupštine BiH sačini i u parlamentarnu proceduru dostavi *lex specialis* zakon o depolitizaciji zdravstvenog sistema u Bosni i Hercegovini“, broj: 02-50-6-1231/21 od 17. 6. 2021.

U izvještajnom periodu Ustavnopravna komisija nije razmatrala nijednu informaciju.

g) Zaključci Ustavnopravne komisije

U izvještajnom periodu Ustavnopravna komisija donijela je jedan zaključak u vezi s tačkom dnevnog reda: Dopis predsjedavajućeg Doma naroda u vezi s Orijentacionim radnim planom Doma naroda Parlamentarne skupštine Bosne i Hercegovine za 2021, broj: 02-50-7-17-23,3/21 od 13. 1. 2021, i Prijedlog orijentacionog radnog plana Ustavnopravne komisije Doma naroda Parlamentarne skupštine Bosne i Hercegovine za 2021, a u vezi s članom 55. stav (2) Poslovnika Doma.

Zaključak upućen Kolegiju Doma naroda glasi:

„Ustavnopravna komisija predlaže Domu naroda Parlamentarne skupštine BiH da od Centralne izborne komisije BiH zatraži informaciju o provođenju Lokalnih izbora 2020. godine, uključujući i provođenje Lokalnih izbora 2020. godine u Gradu Mostaru, u roku od 30 dana od prijema zaključka.“

POGLAVLJE II.

AKTIVNOSTI UREDA SEKRETARA USTAVNOPRAVNE KOMISIJE

U Uredu sekretara Ustavnopravne komisije (u daljnjem tekstu: Ured sekretara) normirana su radna mjesta, i to: sekretar Ustavnopravne komisije - rukovodeći državni službenik, stručni savjetnik i stručni saradnik. Na kraju izvještajnog perioda, u Ustavnoj komisiji popunjena su dva radna mjesta, i to sekretar Ustavnopravne komisije i stručni saradnik. U izvještajnom periodu bilo je popunjeno i mjesto stručnog savjetnika u periodu od 17. 4. 2021. do 30. 9. 2021. godine.

Sekretar Ustavnopravne komisije, u saradnji s predsjedavajućim Ustavnopravne komisije, brine o redovnom i blagovremenom razmatranju svih pitanja iz nadležnosti Ustavnopravne komisije, kao i svih pitanja koja Kolegij Doma uputi Ustavnoj komisiji. Sekretar Ustavnopravne komisije brine o blagovremenom organiziranju sjednica Ustavnopravne komisije, javnih rasprava i javnih saslušanja u okviru nadležnosti Ustavnopravne komisije, odnosno sjednica zajedničkih komisija za usaglašavanje zakona koje su usvojili domovi u različitim tekstovima.

Također, sekretar Ustavnopravne komisije brine o blagovremenom razmatranju prijedloga zakona i drugih akata iz nadležnosti Ustavnopravne komisije, u skladu s Poslovnikom Doma naroda, izradi nacрта mišljenja i izvještaja o materijalima koje razmatra Ustavnopravna komisija, te pruža stručnu pomoć članovima Ustavnopravne komisije prilikom izrade prijedloga zakona, amandmana i drugih akata iz nadležnosti Ustavnopravne komisije. Osigurava sve potrebne informacije i u vezi s materijalima iz nadležnosti Ustavnopravne komisije, te vodi evidenciju o zaključcima i odlukama Ustavnopravne komisije, kao i o zaključcima i odlukama Doma iz nadležnosti Ustavnopravne komisije, te prati njihovu realizaciju i o tome informira Ustavnopravnu komisiju.

Rukovođen Planom i programom rada Ureda sekretara Ustavnopravne komisije Doma naroda PSBiH za 2021. godinu, Ured sekretara pripremao je i analizirao sve zakone koji su bili u proceduri i druge akte koji nisu zakonodavnog karaktera. Tekstovi pojedinih prijedloga zakona nisu bili usklađeni s Jedinistvenim pravilima za izradu pravnih propisa u institucijama BiH, a neki nisu sadržavali ni sve elemente koje prijedlog zakona mora sadržavati, u skladu s odredbama Poslovnika Doma, što je povećalo potrebu za normativno-tehničkim korekcijama prijedloga zakona.

Ured je, također, uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije. Tu su, u prvom redu, saradnja s Misijom OSCE-e u BiH, Vijećem ministara BiH, tj. ministarstvima, agencijama, direkcijama, Generalnim sekretarijatom Vijeća ministara BiH, Predsjedništvom BiH, VSTV-om BiH, Ustavnim sudom BiH i drugim pravosudnim institucijama. Predstavnicima tih institucija su

blagovremeno i potpuno ostvarivali međusobnu saradnju u izvještajnom periodu. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.

U izvještajnom periodu Ured sekretara ostvario je saradnju s Ministarstvom za ljudska prava i izbjeglice Bosne i Hercegovine, posebno u oblasti ravnopravnosti spolova. Ostvarena je značajna aktivnost po pitanju provođenja Preporuke 12 (a) iz Zaključnih zapažanja UN-ovog Odbora za eliminaciju svih oblika diskriminacije nad ženama (UNCEDAW) na Šesti periodični izvještaj Bosne i Hercegovine o implementaciji UN-ove Konvencije za eliminaciju svih oblika diskriminacije žena (CEDAW). U tom smislu, uspješno je realizirana tematska sjednica u decembru 2021. godine u Bijeljini.

POGLAVLJE III. OSTALE AKTIVNOSTI

Odjeljak A. Aktivnosti u vezi sa ostalim aktima i odnosima s drugim institucijama

U izvještajnom periodu Ustavnopravna komisija razmatrala je i druge akte koji nisu zakonodavnog karaktera te uspostavljala saradnju s drugim institucijama, čije je djelovanje srodno njenim aktivnostima. Kontinuirana saradnja nastavljena je s Vijećem ministara BiH, naročito s Ministarstvom pravde BiH. Ministri resornih ministarstava, odnosno sekretari ili pomoćnici ministara redovno su prisustvovali sjednicama Ustavnopravne komisije.

U izvještajnom periodu ostvarena je dobra saradnja s poslanicima u Predstavničkom domu i delegatima u Domu naroda, sekretarima domova, sekretarom Zajedničke službe, sekretarima drugih komisija, rukovodiocima sektora i zvaničnicima izvršne i sudske vlasti. Redovno je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

Odjeljak B. Međunarodna saradnja

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pruža Misija OSCE-a u Bosni i Hercegovini.

POGLAVLJE IV. ZAKLJUČNA RAZMATRANJA

Rad Ustavnopravne komisije u izvještajnom periodu u velikoj mjeri zavisio je od materijala koje je dostavilo Vijeće ministara BiH. Može se konstatirati da je Ustavnopravna komisija blagovremeno razmatrala sve akte iz svoje nadležnosti.

Kako bi aktivnosti Ustavnopravne komisije bile još bolje, a rezultati se mogli kvalitetnije primijeniti, neophodno je sljedeće:

- a) Ustavnopravna komisija usvojiti će svoj orijentacioni radni plan za narednu godinu i realizirati zadatke utvrđene u njemu. Razmatrat će pitanja iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini, te je stoga neophodno što prije planirati njen rad;
- b) Ustavnopravna komisija učiniti će dodatne korake u saradnji s drugim komisijama Parlamentarne skupštine BiH, Vijećem ministara BiH, nadležnim ministarstvima, vladinim i nevladinim organizacijama, međunarodnim organizacijama i parlamentima, koji su je ohrabрили u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije;
- c) Imajući u vidu veliki broj nadležnosti Ureda sekretara, bitnim se smatraju kontinuirane obuke unutar Ureda Ustavnopravne komisije, jer je to garancija njenog uspješnog rada.

Sastavni dio Izvještaja je Prilog broj 1. Tabela i brojčani prikaz održanih sjednica, razmatranih tačaka dnevnog reda i razmatranih akata.

PREDSJEDAVAJUĆI
USTAVNOPRAVNE KOMISIJE
Bariša Čolak

Prilog broj 1. Tabelarni i brojčani prikaz održanih sjednica, tačaka dnevnog reda i broj razmatranih akata pred Ustavnom pravnom komisijom

Ustavna pravna komisija

Period od 1. 1. 2021. do 31. 12. 2021.

Tabela održanih sjednica i broj tačaka dnevnog reda:

Broj održanih sjednica	10
Broj tačaka dnevnog reda	45

Tabela razmatranih akata pred Ustavnom pravnom komisijom:

Prijedlozi zakona	Zahtjevi za ocjenu ustavnosti	Izvještaji i informacije o radu institucija BiH	Delegatske inicijative
9	2	2	11